

重刊道藏輯要

雲光集

聖水玉陽王處一撰

詩

承安丁巳受第三宣於六月二十五日到都下天長觀七月初三日宣見賜坐帝問清淨經師解之次問北征事師答云戊午年卽止後果應次問全真門戶師一一對答帝深嘉歎流連抵暮方出翌日賜紫衣號體玄大師仍差近侍傳旨賜崇福修真二觀任便住坐每月給齋廚錢二百鏹時在修真觀作此一篇寄呈老母洎聖水道眾

道藏輯要

雲光集

胃集九

修真觀下信遙通往復祥光透碧空昔遇明師開正教今蒙聖帝助玄風玉陽自此權行化法眾從茲好用功稽首慈親母少慮皇恩未許返鄉中

按察使夫人患病求痊

天生天長順天修不論塵寰俗骨骸四假豈能朝鳳闕三尸那得赴瀛洲悟真內照忘新觸達本灰心滅舊憂無色真空超彼岸穩乘自在大神舟

贈祖庵呂知觀

大悟威光朗太空先天真瑞信忽忽虛無清淨全今古至道流傳正祖宗三界十方通一致千經萬論了無窮忘情自現天元

主透出陰陽造化中

贈濰州觀主太夫人

有誰遭遇活神仙的養靈明透碧天玉藏抽添真水火瑤宮凝
結瑞雲烟形神俱妙人難會空色都除理怎傳四海迴光齊奉
教自然功德滿三千

贈助緣道眾 二首

深謝吾門廣助緣始終如一苦精研存神默默塵無染養氣綿
綿道自然開闡本元清淨主化生玄象舞胎仙璇璣幹運真三
寶不動慈光滿大千

固窮守道道無名全在人心運志誠一氣循環清宇宙三光會

道藏輯要

雲光集

二

胃集九
川文

合聚神明玉壇瑞象埋仙跡寶鼎祥輝隱化生說破內丹真口
訣妙功無住白圓成

師之舊隱嶧岳朱北玉清觀號曰小聖水實爲勝地故有
是詩

此岳勝地古今稀緩步煙霞晝景遲三界聖賢垂顧盼一方道
德盡精持雙雙童子擎花節對對祥鸞舞玉墀鍊就大丹歸不
久有緣相伴到瑤池

福山王押司因病求教

綿綿細細養沖和寂寂修心出愛河增長谷神常不漏流傳血
脈永無痾全真發道忘生滅見性通靈絕障魔劫劫蓋因功德